



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

De Claromarisco Et de Longovillari Abbatibus, & Decano Christianitatis de
Mosterolo, Morinensis & Ambianensis diocesum.

urn:nbn:de:hbz:466:1-20020

nis in carcere detрудentes; quos quia plures requisisti reddere vel recredere noluerunt, denuo dictus officialis eos excommunicationis poenam subjecit, & civitatem Senonensem, in qua tenebantur in carcere religati homines Ecclesiae memoratae, suppulsit interdicto. Consequenter vero dicti cives propter suam contumaciam manifestam, quia respondere in Senonensi curia contemperunt, occasionem frivolam praetendendo, & quia noluerunt securos reddere homines Ecclesiae sancti Petri, sicut per officialis praefati sententiam fuerat definitum, necnon & quia reddere noluerunt res cuiusdam feminæ ipsius Ecclesiae quas ceperant, iterato per dictum officialem intuper triplici excommunicationis laqueo sunt astricci; siveque tam gravi poenam quinquies subici meruerunt. Postmodum autem ad partes illas accedens dilectus filius Robertus tituli sancti Stephani in Cœlio monte Presbyter Cardinalis apostolicae sedis Legatus, & coram se utramque partem faciens praesentari, prescriptis Majori & paribus, recepto prius ab ipsis corporaliter juramento quod mandatis ejus in omnibus & per omnia obediens, beneficium absolutionis impedit, praepiciens eis firmiter in virtute praestiti juramenti quod Ecclesiae praedictæ captos homines liberarent & emendas tribuerent, ac insuper de solvendis excommunicationum emendis necnon

& de restituendis integrè universis quæ restituenda forent, fidejussiones idoneos exhiberent, sicut praesentatae nobis ipsius Legati litteræ continebant. Ipsi vero, licet homines liberarint, spreta tamen postmodum in fuarum periculum animarum religione praestiti juramento, mandatum ipsius Cardinalis implere de faciendis emendis & fidejussionibus exhibendis penitus contempserunt, sicut per litteras executorum praefati Legati nobis constitut manifestè. Cum igitur Cardinalis praedictus in negotio crucis dominice promovendo multipliciter occupatus, decisioni hujus causæ non valeat absque dispendio interesse, nec velimus tantam contumaciam torqueinjuries, quæ afferuntur Christi Ecclesiae irrogata, surdis auribus pertransire, volentes etiam dictorum Majoris & civium spirituali periculo præcavere, discretioni vestrae per apostolica scripta praepiciendo mandamus quatenus nisi dicti Major & pares emendas fecerint, & de solvendis emendis & restituendis integrè universis quæ propter hanc restituere tenebuntur, fidejussiones idoneos dederint Archiepisco-

po memorato, prout eis dictus Cardinalis præcepit sub debito praestiti juramento, vos ipsos auctoritate nostra in priores excommunicationum sententias appellatio ne postposita reducatis, facientes easdem cum interdicti sententia usque ad satisfactionem congruam inviolabiliter observari. Si vero prescripti Major & pares predicta fecerint universa, sicut superius est expressum, audiatis quæ partes hinc inde contra superscriptas sententias vel pro ipsis duxerint proponenda. Et si forsan infra certum tempus quod eis duxeritis præfigendum legitimè vobis constiterit iustus fuisse latas sententias antedictas, ipsos cives ac fidejussiones eorum ab emendis penitus absolviatis, & faciatis ei congruè satisfieri de injuriis irrogatis. Alioquin tam ipsos quam fidejussiones eorum ad satisfactionem plenariè de injuriis & emendis & restituendum omnia quæ propter hoc restituere tenebuntur per censuram ecclesiasticam appellatione postposita compellatis. Quod si non omnes &c. duo vestrum &c. Tu denique, fili Abbas &c. Datum Laterani Idibus Novemb. pontificatus nostri anno sextodecimo.

*DE CLARO MARISCO ET
de Longovillari Abbatibus, & Decano
Christianitatis de Moosterolo, Morrensis &
Ambianensis dioecsum.*

Dilectus filius Abbas sancti Iudoci proposuit coram nobis quod cum olim propter alleviationem oneris debitorum quibus ejus monasterium premebatur, & deprimendam quorundam contumaciam monachorum, apostolicae sedis auxiliu implorasset, ad petitionem ipsius vobis dedimus in mandatis ut ad dictum monasterium personaliter accedentes, ei vice nostra visitationis impenderetis officium, corrigendo & reformando in ipso quæ inventaretis correctionis & reformationis officio indigere. Vos autem hujus auctoritate mandati quedam pro parte in ipso monasterio correxitis, iurisdictione vobis in aliis reservata, ut certo tempore rediretis ad statum ipsius monasterij plenariè reformatum. Interim autem per nuntium venerabilis fratris nostri Ambianensis Episcopi ad Abbatem & Priorem de Gardo diocesanum sibi lege subjectos & Atrebatensem Præpositum quondam suum concanonicum & speciali sibi familiaritate conjunctum à sede apostolica quibusdam generalibus litteris imperatis super inquisitione facienda in monasteriis per Ambianensem diocesum

*Eps. 145.
De reformati
o monasti
rii S. Iudoci.
Vide ib. 13.
Eps. 175.*

LLIII

Tom. II.

constitutis, iudicem occasione litterarū ipsarū in memorato monasterio sancti Iudoci volebant correctionis officium exercere. Verū cū Abbas & conventus ad eorum citati præsentiam rescripti apostolici copiā sibi fieri, ut ex ipsius tenore constaret si tales inquisitores haberent aliquid jurisdictionis in ipsis, & dari sibi ad deliberandum inducias postularent, nec obtinere valerent, ad sedem apostolicam appellarent; sed illi, appellatione contempta, in eundem Abbatem suspensionis, sicut audivit, sententiam promulgarunt, alias in ipsis & quorundam aliorum de monasterio præjudicium perperam procedentes. Vnde petebat à nobis Abbas prædictus eorundem processum irritum nuntiari. Auditis igitur iis & aliis propositis coram nobis tam per Abbatem eundem quam per magistrum P. nuntium Episcopi memorati, qui tamen nuntius de iis quæ proposuit non potuit facere nobis fidem, quia generale mandatum non derogat speciali, præsertim cū in eo de speciali mentio non habetur, prædicti Abbatis de Gardo & collegarum ejus processum decrevimus irritum & inanem. Verū ne sæpedictum monasterium tali prætextu plenariae correctionis officio defraudetur, per apostolica vobis scripta mandamus quatenus cū inter sit Episcopi ne in sua dioecesi monasteria remaneant incorrecta, prædicto Ambianensi vocato, ut per se vel per nuntium, si velit, inter sit, non ut impedit, sed ut in præsentia vestra proponat si quid viderit corrigendum, ad ipsum monasterium personaliter accedatis, eidem secundū tenorem præcedentium litterarum plena visitationis officium imponatur. Vos denique, filij Abbates, super vobis ipsis &c. Datum Laterani xviii. Kal. Decembri, pontificatus nostri anno sextodecimo.

W I Z Z E L M O A B B A T I

Gembacensis monasterij, ejusque fratribus tam præsentibus quam futuris religiosam vitam profissi in perpetuum.

*Epiſt. 146.
De confirma-
tione privile-
giorum.*

Religiosis desideriis dignum est faciem præbere consensum, ut fidelis devotio celerem sortiatur effectum. Ea propter, dilecti in Domino filij, veltris iustis postulationibus elementer annuimus, & prædecessorum nostrorum felicis memoriae Innocentij, Eugenij, & Celestini Romanorum Pontificum vestigii inhabentes, prefatum monasterium, in quo divino mancipati estis obsequio, sub beati Petri & nostra protectione suscipimus &

præsentis scripti privilegio communimus, statuentes ut quaecunque possessiones, quæcumque bona &c. usque & illibata permaneant, in quibus hæc propriis duximus exprimenda vocabulis. Ipsum videlicet monasterium in beatorum Petri & Exuperij honore fundatum, quod utique ipsius burgi principalis Ecclesia esse dicitur, cum Capella sua, quæ vocatur sancti Salvatoris, juxta providentiam tuam & successorum tuorum, fili Abbas, tam in temporalibus quam in spiritualibus liberè & absque contradictione aliqua disponenda, salvo nimirum jure debito Leodiensis Episcopi. Similiter etiam villas & Capellas de Corcis, de Esnagia, & de Salveniris, & de Lircil, & de Arentin, ad prædictum locum tam parochiali quam seculari jure pertinentes. Præterea fundum ipsius burgi, & terras adjacentes, cum banno & justitia, percussura monetæ, mercato, & teloneo, foragio vini, cambatio, & materia, positione villici five scabinorum atque ceterorum officialium ad eundem locum pertinentium. Piscarias & vivaria, cum molendinis, terris cultis & incultis, pratis, pascuis, & sylvis, ac partem allodij Gemblacensis quæ fuit Ægidij & Iohannis fratrum de Corcis & compaticipum suorum. Ecclesiam quoque de Castris, Piëtam villam, villam quæ dicitur Eineis, vicum qui dicitur Boferolus, vicum qui dicitur Maisnil, censem de Roseriis, villam quæ dicitur Soe cum Ecclesia, banno, justitia, terris, sylvis, pratis, pascuis, & piscaria. Censem villa quæ dicitur Templiacus, cum tribus placitis annualibus, villam quæ dicitur Ferolt, villam de Molenvivo cum Ecclesia, villam sancti Guarericum cum Ecclesia, villam de Niele cum Ecclesia, allodium de Vvalchem, villam de Bellorivo, montem qui dicitur sancti Viberti cum Ecclesia & appendicis suis, decimas quorundam fartorum de Sumbresia, villam de Diana cum Ecclesia, terris, pratis, & silvis, allodium de Iandrenolio, apud Puccium viginti duos solidos Leodiensis monetæ, Ecclesiam de Bosluth, Ecclesiam de Baverechircum cum terris ad eam pertinentibus, villam de Stirs. Apud Leodium duos manfos, unum in insula juxta sanctum Paulum, altera sanctum Lambertum, & vineam unam apud Viniacum. Apud Namucum aliam vineam, Villam de Sofri cum Ecclesia, heremum sanctæ Mariæ apud Brenam cum Ecclesia. In episcopatu Cameracensi villam de Turp cum Ecclesia. Adientes vicesimam par-